

Bibel fa Kjinja

brinj't junt

Jeremia Profeet en Tronen



Jeschräwen von: Edward Hughes
Jemolt von: Jonathan Hay
Toom Paus j'estalt von: Mary-Anne S.
Äwasat von: Ed Zacharias
Hääj'estalt von: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2022 Bible for Children, Inc.


Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.

1

Aus Jeremia kjlien wia,
wonden siene Elren en
Juda en de Staut Anatot.
Anatot wia nich wiet auf
von Jerusalem. Sien
Voda, Hilkiya, wia een
Priesta un deend em
Tempel. Veleicht haben
siene Elren jewensch't
daut hee uk een Priesta
woaren wudd, oba Gott
haud eene andre
Oabeit fa am.




2



To Jeremia siene Tiet läwden de Lied nich aula soo aus Gott sien Wuat daut säd. Sea väl Menschen, vom Kjennich bat oame deenden Jetzen, soogoa en Gott sienen heiljen Tempel.

3




Jeremia wia een junga Maun aus Gott to am räd. Gott säd, "Aul ea du jebuaren wiescht, haud ekj mie die jewält. Don aul wull ekj haben, daut du wäajen de Velkja profezeien sust."

4



Jeremia enjst daut, aus Gott am roopt. Hee säd, "Oba HAR Gott, ekj sie nich toom räden to brucken. Ekj sie blooss een Jung." Hee wia nich mea een Jung, hee wia 20 Joa oolt. Jeremia wist nich waut am woaren wudd, wan hee wäajen daut schljachte rom am räden wudd.


5



"Lot die nich enjsten," säd Gott, "go doahan wua ekj die hanschekj, un saj an waut ekj die oppjäu to sajen.

Ekj woa bie die sennen un die raden." Gott deed noch waut besondret. Hee schieed Jeremia sien Mul aun.

6



Gott jeef Jeremia Krauft un Moot un Weisheit. Hee räd brow, un holp de Lied denkjén daut Gott an goot wia, un halpen wull. Oba see horchten nich no am; uk de Kjennich nich.

7



Uk de Priesta worden am doll, un säden hee sull von Gott stell sennen. Doa wieren uk faulsche Profeeten; dee säden waut Jeremia säd wia nich soo.

8

Jeremia holp de Lied denkjen, daut soo bie hundat Joa trigj, haud daut nuadne Poat von Israel Gott nich jehorcht. Dan kjeemen de Assiera un neemen daut Launt äwa un schlapten de Israeliten no een framdet Launt.



9

Nu hauden de Lied en Juda, daut siedne Poat von Israel, äaren Gott veloten.

Framde Armeeen wieren aul oppem Wajch! Wudd Gott dee loten äwa Juda rejieren, un an wajch-fieren?



10

De Lied jleewden aun äare Jetzen. Kunnan de Jetzen an von Fiend raden? Nä, blooss Gott kunn an raden. Menschen worden soo doll äwa Jeremia, daut see plonden am omtobrinjen. Oba Gott bewoad am.



11

Met de Tiet säd Gott, "Bäd nich fa dise Menschen. Ekj woa nich no äa Jebäd horchen." Dit woat Jeremia selfst jewundat haben.



12

Jeremia säd däm Kjennich daut hee jäajen de Armee von Babel velieren wudd. Dit jefoll däm Kjennich soo schljacht daut hee Jeremia enstoppen leet. Oba uk em Jefenkjn is veleet Jeremia sikj opp Gott un räd wieda.




13

Aus de Kjennich am frie leet, jinkj Jeremia wada sajen daut de Kjennich un de Lied sullen sikj trigj no Gott dreien un am jleewen. Daut mol leet de Kjennich Jeremia en eene ladje, oba blotje, Zista nenn.



14

Oba Gott oabeid en däm Kjennich sien Hoat. Hee leet Jeremia plietsch brinjen, un fruach am waut hee doonen sull. Un Jeremia säd, hee sull sikj to dän Fient hanjåwen, dan wudd Gott an läwen loten.



15

De Armee von Babel neem Jerusalem un gauns Juda en. See reeten Wenj un Jebieda dol, un vebrenden aules. Gott säd daut sien Volkj wudd 70 Joa en de Vebaununk bliewen, un dan wudd hee an trigj no åå

vesproaknet Launt brinjen.



16

Jeremia Profeet en Tronen

Eene Jeschicht von en daut Wuat Gottes,
de Bibel

finjt eena en

Jeremia

"Wan dien Wuat openboat woat,
jeft daut Licht." Psalm 119:130

17

Daut Enj

28

60

18

Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schljachtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sån, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmell! Wan du dän Gloowen aun Jesus hast, un am frajchst diene Sind to vejåwen, dan deit hee daut! Hee kjemt dan un läft en die, un du woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu nieet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

19